



In dumënia 20 de Otober éi gnü sughé la otava partida dl campionat 2013/2014 de 3ª categoria por La Val. La partida é gnüda sugada te cíasa cuntra la squadra da Mühlwald, posizionada al terzo post te tlassifica, do la squadra da La Val.

Te na partida combatüda fina ala fin é la squadra da La Val stada buna da se assicuré trëi punc mirità cuntra le Mühlwald. La squadra pustra à soghé tratan dōta la partida cun gran dezijiun, meton te deplü momenc sot a druch la formaziun de Floriani.

La partida mët man cun na spordüda dan la porta da La Val cun na dejatenziun de Sepl y le palé che röia de püch dluniga porta ia. Mo spo él defata la squadra da La Val che se porta inant y à döes de bunes ocapiuns, intrames cun Alex E.. Impröma pröel na trata al jore sön n bel cross de Emanuel, y püch plü tert ne atochel nia indertöra le palé, do che al é rové ala contlujiun da na buna posiziun te area; insciö falel trami i iadi porta. Sön na trata dal ciantun él spo Stefan che fala de püch la porta, cun na contlujiun de cé. Le Mühlwald se fej ince prigorus scialdi cun trates da dalunc, y spo retlamëia i sogadus pustri n önescmetri por n fal te area, mo l'arbiter lascia jì. Püch dan la mesora passa spo la squadra da La Val in vantaje, cun n bel gol de Emanuel: do na combinaziun cun Michi röiel te area y bat le portier cun na trata sterscia y ne ti lascia degüna poscibilitè da parè.

Le pröm tēmp se stlūj jö sön le resultat de 1 a 0 por La Val.

Tl secundo tēmp mët la squadra da La Val man dër bun, mo le secundo gol n'ò nia garatè: impröma sciampa Emanuel söl fì dl forajüch sù cuntra porta, mo al fala jö. Michi tira spo püch dlungia porta ia da posiziun angolada, la defenjiun pustra vëgn plü iadi sogada fora y metüda in dificolté. Do mez le secundo tēmp él spo le Mühlwald che aumentëia le druch y la squadra da La Val se lascia druché scialdi zoruch; al é da se temëi che do les ocapiuns falades se ciafon le castighe. Mo por fortuna ne se averëia nia chësta vedla regola dl jüch dl palè, y la squadra de Floriani concuistëia súa sesta devënta te chësc campionat.

Le arbiter sciüra la fin dla partida sön le resultat invarié de 1 a 0 por La Val, Insciö resta la squadra de Floriani al 2° post de tlassifica.

La proscima partida por La Val é in domënia ai 27 de otober **dales 14:30 te ciasa** cuntra la squadra da Aicha.

Formaziun titolara: Sepl Kantioler, Elmar Valentin, Marco Castlunger, Alex Alton, Paolo Vallazza, Freddy Sottara, Micky Frenes, Stefan Sottara, Alex Elzenbaumer, Alexander Miribung y Emanuel Dorigo.

Sostituziuns:

Werner Sottara por Micky Frenes

Manuel Stampfer por Alex Elzenbaumer

Adrian Miribung por Alexander Miribung

A mēz le prüm tēmp éle Emanuel bun de radopié le resultat, sön n assist de Alexander éle bun de se controlè le pal, cun na gran finta ti sciampel al defensur aversar y cun na trata basa batel le portier.

I atacanć da La Val é bugn de tignì sō le pal y cun de beles combinaziuns esi bugn de ti sciampè plü iadi ala defenjiun aversara, mo sēnza ester bugn de ji a conclujiun.

Püch dedo éle ciamò Micky che à na gran ocasiun, sön n bel preparativ röiel te area al dēr mumēt, mo le tiro röia de püch sura porta fora.

Dan che le arbiter sciūra le prüm tēmp éle ciamò n atacant dl Niederdorf che abina de cé la stangia de porta sön na trata dal angolo.

Le prüm tēmp se stlūj jō sön le resultat de 2 a 0 por La Val.

Le secundo tēmp mēt man cun n gran druch da pert dl Niederdorf, i sogadusc da La Val se stüda ia y se lascia fracé dala squadra aversara.

Cun de beles aziuns röia la squadra aversara deplü iadi dan porta y i sogadusc da La Val mēss aretrè y se parè cun dōtes les forzes. Cun le gran assedio da pert dl Niederdorf garetl tosc le gol dl 2 a 1.

Sön n lancio éle dui defensurs che ne se capēsc nia y röia a saltè adüm sön le pal che vëgn insciö spizoré y ti röia bel avisa al atacant aversar che cun n tiro bas é bun de bat le portier da

La Val.

La nervosité crêsc y la lucidité da do, i sogadusc mëss purvè a dūc i cosc da defëne le resultat. Cun le gran laur de Emanuel che và a recuperè n grüm de pai sciurà demez y tēgn insciö sö le pal por che la squadra pois se arlungé, ti garetl la dopietta al 82

^.

Sön n cross da na pert éle bun de se mët jö le pal de piet y cun na bela trata de ciamp sön le palo lunch siglëiel le resultat dl 3 a 1.

Al mancia ma plü püc menüc ala fin y i sogadusc da La Val stà plö defensiv por defënn le resultat.

Püch dedo él le arbiter che sciūra la fin. La partida se rōia sön le resultat de 3 a 1 por La Val.

Cun chisc 3 punc davagnà se porta La Val al 3º post de tlassamënt.